

万国史记

一
函
八
册
函

萬國史記卷八

歐羅巴史第三

東羅馬記

帝是諸

西羅馬既亡東羅馬猶亘三大洲巍然稱大國而紀綱不振民力凋敝馴致犢悍夷族起於北方弄兇器事剽奪諸帝常受其侮交際全絕彝倫淪滅實爲開闢以來未曾有之大變蓋天惡羅馬人性情乖戾將更生長民假手兇賊以驅除之也帝息諾卽位之三年阿道塞滅西羅馬卽意大利王位脅帝求歲幣帝患之東峨特王帖阿佻力嘗爲帝所養謂帝曰阿道塞羅馬之深讐也陛下不能親征則某代陛下征之四百八十八年王將兵入意大利三戰皆捷阿道塞退保其都城拉威那王圍攻三年遂拔之殺阿道塞西齊里及大腦河南之地盡來附王遂以拉威那爲首都王觀前代名工製作深愛惜之立法保護是時王兵五十萬剖入土三分之一酬之士馬精強隣國畏之而王務安其國不事遠略又喜羅馬法制行之國中惟刑法用本國律嚴以治之路不拾遺後人稱爲良法王奉里安教不禁意大利人泰加特力教待之如一區別羅馬人與峨特人羅馬人仍舊服特伽任文官峨特人皮衣輕舄任武官意大利顯族甲鹿多路有賢聲王舉之位宰臣上其他行事頗有足觀者亦季世之英主也

四百九十一年帝息諾爲后所鳩后立其所私亞拿達修爲帝在位國內訌不已嘗攻波

斯波斯人獻黃金。反侵地。因許講和。既而帝震死。國人推將軍入斯丁爲帝。五百二十五年。帝大虐里安教徒。東峨特王聞之大怒。疑議事官亞比諾與帝通謀。收之下獄。又殺儒士蒲周深馬孤。後深悔之。王爲政寬厚。絕無殘暴之行。唯此一舉。頗爲德累。

五百二十七年。帝入斯丁卒。從子入斯底尼安第一立。慨然有恢復舊業之志。帝后帖阿多拉。嘗爲女優行不度。及爲后。英果明決。多內助。是時有較場之亂。一日綠黨。一日青黨。帝以青黨同其宗教。故助之一日。綠黨攻青黨。邏兵捕二黨數人斬之。二黨怒。合力攻政府。槍掠五日。都府大半灰燼。將逼帝廢位。帝大懼。后勸帝以計誘降青黨。授以精兵三千。命達西人別里沙留爲將。擊綠黨。綠黨死者三萬人。亂乃平。

五百三十四年。帝命別里沙留將騎步萬五千。征汪德羅。先是汪德羅人陳息力乘羅馬之衰。據亞非理。駕創建汪德羅國。及陳息力孫希爾得力繼祖父爲王。帝與之和。親國人不服。王從子熱利麥逐王奪位。帝贈書熱利麥。勸解。熱利麥不聽。反辱使者。帝怒。決策伐汪德羅。別里沙留未達亞非理。駕。熱利麥設計弑希爾得力。及其子。國人離畔。羅馬兵一戰。收其都城。迦太基國人悉降。熱利麥遁至沙漠中。據守險要。其臣縛熱利麥來降。別里沙留盡取其地。械送熱利麥於君士坦丁。竄諸貢拉里。收養其子。汪德羅建國一百五年而亡。於是亞非理。駕北境。再爲羅馬郡縣。

帝既滅汪德羅。越三年。更使別里沙留伐東峨特。恢復意大利。初東峨特王帖阿伐力女

亞麻拉孫達嫁其國大族生子曰亞答拉力。而其夫死寡居。五百二十六年。帖阿佐力卒。無子。亞答拉力以外孫入嗣。方五歲。亞麻拉孫達豔美羅馬之文物。使亞答拉力修其學。國人。不悅。以爲玷國體。既而亞答拉力病歿。亞麻拉孫達納其侄體阿達都爲夫。同登王位。未幾。體阿達都殺亞麻拉孫達。獨專威權。國人惡之。是歲。別里沙留將兵八千入意大利。告其民以誅亂賊。除苛政。國人響應。大破峨特兵。復意大利。進攻羅馬。無敢抗者。終取羅馬。不戮一人。別里沙留鑄銀錢。畫帝狀貌。以象文德。五百三十七年。峨特人殺體阿達都。立喜知熾爲王。喜知熾以衆十五萬圍羅馬。別里沙留以寡兵守城。一年。屢襲破峨特軍。一日。峨特人肉薄傳城。死者三萬人。喜知熾知其不可拔。遂解圍。自火陣營去。聞米蘭民叛。大怒。屠其城。殺三十萬人。別里沙留不敢輒出。益訓練其兵。五百四十年。出兵圍峨特首都拉威那。城兵力盡。約降。會帝疑別里沙留有異志。急召還之。是時波斯王哥士倭兵威強盛。聞帝戰捷。疾忌之。發兵侵羅馬。帝遣別里沙留拒之。互有勝敗。哥士倭頗畏別里沙留。而峨特國勢稍振。五百四十一年。峨特王捶知刺出兵。復取意大利。攻拿破里。降之。帝又使別里沙留率兵伐意大利。兵士寡少。糧仗不備。命搶掠敵貨自給。別里沙留進攻羅馬。羅馬不支。捶知刺毀其牆壁。棄城而遁。別里沙留入羅馬。拮据戎事。不脫甲者五年。自知功高。爲帝所忌。意不自安。五百四十九年。請歸本國。帝許之。後用讒者言。免爲庶人。捶知刺復取羅馬。五百五十二年。帝以親臣拿爾塞爲大將。率大軍伐峨特。兵甲精銳。

糧食豐贍。進與峨特人戰。峨特軍敗。極知刺被重傷死。乃立狄約爲王。明年拿爾塞陷羅馬及巴非亞。縱兵劫掠。狄約親將兵。據維蘇威之險。連戰二月。峨特將皆下馬團結。以突希臘陣。死鬪兩日。狄約肩受飛鎗十二。遂死之。殘兵盡降。希臘人倫巴多人。爭逞殘暴。峨特人西那多以下。見虐殺者。不可勝數。都邑無不被搶掠者。帝命拿爾塞居拉威那鎮。意大利全土。東峨特建國六十一年。至是亡。

五百五十九年。布爾加利人與斯拉窩尼人。合兵濟大腦河。略馬其頓。德來斯。進入東羅馬。距君士坦丁城數里而陣。帝起別里沙留拒之。戰於斯丹的諾伯破之。別里沙留爲將。屢奏偉勳。帝猜疑日深。國人亦多妬忌者。帝遂廢錮之。後頗悔之。而終不能用。別里沙留盲兩目。坎珂落魄以死。世論少帝。

帝卽位之年。與波斯戰。經二歲罷兵。四年復與波斯戰。敗績請和。歲出償金四萬。十五年。別里沙留帥師至西里亞。與波斯戰。頗雪前辱。未幾而罷。三十五年。帝遣使波斯請和。立息兵五十年之約。歲輸銀錢三萬六千。別里沙留卒四年矣。

當帝在位。地大震。都鄙村落。往往摧陷。安提阿全都崩壞。無有宅屋。壓死二十五萬人。始有痘瘡。傳染太亟。蔓延國中。君士坦丁城死者日一萬人。傳入歐羅巴諸國。幼兒死亡者。每歲數十萬人。至一千七百年代。英人發明牛痘。接種方生民始得免其慘。

帝精吏治。青綠二黨既平。乃與法律大家翟利破尼及其他法家十人。議定四種法律。一

曰改正舊法纂輯羅馬歷代律法定爲十二冊二曰國法基源論國法本理三曰民法全書凡五十冊四曰新定法律帝所自作皆頒行國中臣民稱便時有航海至中國得蠶桑之種以歸者乃試植之尤適土性意大利繭絲之利原於此

五百六十五年入斯庇尼安第一卒從子入斯丁第二立始開納贊拜官之例帝素忌拿爾塞命之旋師拿爾塞怒誘倫巴多王亞排那取意大利初歐人大遷徙時倫巴多人占居下易北漸移巴訥尼之地生齒繁滋伐羯必的滅之垂涎於意大利有日至是得拿爾塞慙患大悅五百六十八年率兵侵意大利取上下兩部所向大勝易如拉朽獨巴非亞抗拒三年方降初亞排那敗羯必的殺其王古涅蒙多漆王頭顱骨爲飲器擒王女綠拔蒙的爲妃及巴非亞降張盛宴賀戰捷亞排那乘醉出顱杯酌酒屬綠拔蒙的辭不聽飲之深恨亞排那誓爲父報仇伏武人黑米結於寢室就亞排那臥床刺之因與黑米結出奔依拉威那州牧州牧陰誘綠拔蒙的謀黑米結一日進酒於黑米結黑米結覺有其毒拔劍刳綠拔蒙的強飲餘瀝遂斃死五百七十四年波斯來伐會帝有病后賂波斯金四萬五千請罷兵一年明年又賂金九萬請罷兵三年既而命入斯底尼安率兵十五萬攻波斯克之五百七十八年入斯丁第二卒將軍提庇留嗣立

五百八十二年提庇留傳位將軍毛裏修是時波斯內亂哥士儂子何毛斯繼父爲王大將巴覽廢何毛斯篡立何毛斯子哥士儂奔君士坦丁帝善遇之爲發兵伐波斯誅巴覽

使哥士僂襲父位。號哥士僂第二。是役亞控爾人乘虛犯羅馬疆。及役畢。轉克征亞控爾。五百九十九年。與亞控爾戰於高盧。敗績。爲俘者一萬二千。亞控爾人徵贖金。帝不與。亞控爾殺其俘六百人。二年。帝傳令將士嚴備。亞控爾疆上將士素怒帝。聞此命。咸叛。推隊長忽如斯爲帝。相率還君士坦丁。帝舉族奔加爾其。頗匿禮拜堂。邏卒捕送刑場。帝立刑架上。而左右顧其六子。駢首就捕。立劊手前。每斬一人。仰天而拜。率子猶幼。乳母謀以己子代之。弗聽。強出之。同就刑。忽如斯出視。毫無惻怛之色。更命斬帝及后。自餘共和黨族處死者不可勝數。波斯王哥士僂聞之。發兵攻陷羅馬東疆諸城砦。

忽加斯暴戾殘虐。國人離心。六百十年。埃及國方伯希臘格留以海軍來討。都人開門而降。忽加斯脫走。國人就褫衣冠。曳到刑場。斷其手足。貫首竿頭以徇。希臘格留整師入即位。東羅馬國繼嗣無一定法律。每新帝即位。輒防後患。是以常多慘毒之禍。

君士坦丁師父自帝毛裏修以來。威權漸盛。毛裏修嘗賜位號曰歐古墨促。大師父之義也。至帝時。格勒革理爲大師父。遣徒弟於北方諸國。以敷其教。多著書文辭高妙。事理周到。後人崇重之。又設學校病院。教育貧民。世稱之教父。羅馬教貴若行。而東羅馬教最甚。有坐柱上三十年如一日者。又有常食野草以自活者。稱草食人。其原起於教徒傳教時受諸苦難云。

帝誅忽加斯內難。平波斯王哥士僂。攻安提阿。耶路撒冷。亞歷山德。取之。分軍爲二。一

出的利波里一踰破士佛路進陣君士坦丁城外亞控爾人亦起以大軍次德來斯平原
 切帝使廢耶穌教法國勢危急師父患之悉出禮拜堂金以資軍用先是帝數賂波斯以
 請和議國人憤之至是募兵數萬賂亞控爾人請中立帝親將海軍入西里亞次伊斯蘇
 波斯人發兵抵西利細帝邀戰連捷遂濟黑海踰亞爾美尼山入波斯欲使哥士儂還救
 而哥士儂猶次君士坦丁不動亞控爾酋長沙侃背約與波斯合攻君士坦丁城城兵善
 拒二國兵敗退六百二十七年帝與哥士儂大戰于尼尼微波斯軍大敗無幾哥士儂爲
 其子思儂士所殺思儂士與羅馬和盡還其父所侵略帝乃凱旋隣近諸小國皆遣使來
 朝

帝晚年與沙蘭生戰不克失亞細亞全部及耶路撒冷帝卒後三世皆爲人所殺事蹟無
 足記者六百六十八年君士坦丁第四嗣立沙蘭生人大舉入寇圍君士坦丁有人發明
 火器其火入水不滅燬沙蘭生戰艦殆盡分兵焚其輜重六百七十七年沙蘭生力屈請
 歲輸黃金良馬奴僕乃許之成六百八十五年帝卒入斯底尼安第二立
 入斯底尼安第二狠惡不孝其母有過則譴責之不少假專事聚斂欲以殺戮立威有連
 欠者則倒懸之火中人心携貳怨謗載塗帝聞之大怒欲併殺君士坦丁師父與全都人
 都人群起爲亂大將里勿周首襲帝宮大呼曰誅獨夫執帝截鼻舌投之獄自即帝位執
 國命三年將軍提庇留亞比西馬起兵叛捕里勿周截其鼻錮諸道院提庇留登帝位越

六年入斯底尼安第二脫獄奔布爾加里。布爾加利人以兵一萬五千來攻破都城殺里勿周暨提庇留入入斯底尼安入斯底尼安復位。暴戾如舊。後八年爲國人所弑。希臘格留帝統斷絕。

繼入斯底尼安而帝者曰腓立必杲巴爾達尼。在位二年。國人壓帝。扶其目。次曰安拿達修帝繼前代諸帝遭禍遽遜位。次曰帖痴多削第三亦懼禍及身。在位僅一年辭之。將軍勒阿第三立。

勒阿第三小亞細亞以掃里人。出於寒微。無學問。屢立戰功。七百十七年爲衆所擁立。會沙蘭生人以戰艦一千八百陸兵十二萬來攻。勢太急。帝奮鬪破之。大振國威。尋有偶像教徒之亂。初帝深惡偶像。以爲回教人侵略諸國。實由耶穌教徒拜偶像之惡風不已。將盡滅之。命禁拜祀廢毀偶像。教皇格勒革里第二非之。羅馬拉威那盡叛投帝像於糞土中。殺嘗毀偶像者。由是遂失意大利大半。羅馬希臘二教分裂。基此帝在位二十五年卒。世呼曰破像皇帝。子勒阿第二嗣。勇武有謀。又禁偶像。嘗焚藏經三萬卷。卒。子君士坦丁第五嗣。繼遺志。惡偶像最甚。令國人呈誓書曰。今後有拜偶像者必死。或破毀木像置之教徒頭上。或投神廟遺物於水火。或挾出教徒眼目。或捕修行士塗瀝青於髭投之火中。在位三十餘年。排偶像外無復一事。病熱卒。子勒阿第四立。猶禁偶像。至女帝伊連始解其禁。

伊連帝勒阿第四之后而君士坦丁第六之母也勒阿卒君士坦丁第六立年甫十歲以故伊連攝政爲人豪悍及帝長猶執政權母子怨隙伊連使人侍帝左右陰報其行事帝惡行漸長挾叔父之眼執親族四人斷其舌國人離渙伊連遂執帝挾其眼殺之自立執國柄五年間法蘭哥帝沙利曼喪其后謀身爲繼配以法蘭哥合東羅馬以復古羅馬之盛希臘大族不欲戴法蘭哥王結黨叛之八百二年錢務總管尼塞福路爲帝放伊連於勒斯波島遂死島中

尼塞福路爲政暴橫國人不服八百三年沙蘭生人侵小亞細亞取居伯路島帝不能問其罪八百十一年與布爾加利人戰布爾加利王力屈乞和不聽放火抄掠王宮布爾加利王怒決死奮鬪帝敗遁林中乃斫倒林木而進帝進退維谷遂戰歿布爾加利人貫帝首竿頭舞之吶喊而還取顱骨爲飲器以銀鍍之獻王尋密給爾第一登帝位亦與布爾加利人戰將士不和棄國旗遁帝大窘讓位於將軍勒阿剃髮入道院皇后及皇子皆從焉

勒阿亞爾美尼人稱勒阿第五八百十六年東羅馬地震饑饉屢火災生民困苦帝嚴禁偶像後爲下所弑國中無復問弑君之罪者政令廢弛可想也

八百二十一年密給爾第二立與帖病法路同聽政沙蘭生人圍君士坦丁不克還取克勒達島是時國內賊起衆每縛之斷手足使臥床上驅驢馬踏籍以死云八百二十八年

帝卒帖病法路嗣立爲人勇武孜孜勉政與沙蘭生戰五次國中帖靜一日見商船載貨入港問其船主則皇后私有也命焚其船曰皇帝豈得以商婦爲后乎人服其遠識八百四十二年帝卒密給爾第三立尙幼叔父巴爾達攝政行多不度師父益那周議其罪絕諸教門巴爾達勸帝廢益那周立何修爲師父何修狡猾與羅馬教皇相惡別立一教排羅馬教爲邪教絕教皇於教門國中紛然帝長荒淫無度沙蘭生俄羅斯並來寇八百六十七年巴西利弒帝篡立

巴西利馬其頓人本帝家廐僕自知所行悖逆欲得教門歡心以固己位承教皇亞的練第二意錮何修於道院再舉益那周爲師父兩教復合爲一而終不能保久益那周卒何修復登師父位仇視羅馬教益甚一千五十三年密給爾該爾拉留爲師父繼何修志益排羅馬教亞歷山德耶路撒冷各地師父盡助之尊密給爾爲教門大首領俄人亦多入其教者自是君士坦丁教門離羅馬教自立以至今日希臘教是也巴西利銳意恢復國鄰強敵頗畏憚之號稱英主後數世篡奪相繼至帝尼塞福路及其子約翰第一並以勇武聞約翰時俄羅斯人入西里亞擊破之逐沙蘭生人復安提阿進濟幼發拉的河拔沙蘭生都邑卒巴恩利第二立與沙蘭生日耳曼戰克之一千十四年與布爾加利戰生虜一萬五千人盡抉其眼百人存一人眼使之鄉道羣盲歸國布爾加利王聞之悲痛慟哭以死越五年遂滅布爾加利以其地爲郡帝卒後數世皆柔懦國勢復衰

布爾加利本爲亞細亞民族。後遷徙入歐羅巴東境。曠悍奉異教。棲止帳幕中。以牧畜爲業。屢侵希臘。希臘人奔避失產者。不知其幾千萬人。布爾加利勢威益張。如甲修伯汪德羅威爾作匈牙利。皆爲其支族。亦嘗爲其所驅逐云。至是亡。

當是時。帝室奢侈尤甚。接見他國使臣。衛兵數千人。列其兩側。皆著鮮麗甲冑。旂旗耀空。美絹製之。庭鋪花氈。上撒薔薇沒藥。香氣馥郁。使臣至石階下。有幕四垂。旣而幕開。忽現美席。仰視帝著紫白色禮服。倚黃金榻。后妃在側。言容婉艷。使人魂爽神飛。席末朝臣列坐。皆著白衣。坐後有櫻櫚樹。黃金造之。枝上小鳥飛繞。又有金銀兩獅子。守護帝座。時時跳躍發大聲。忽聞喇叭聲。自宮內徹于外。每聲漸高。使臣吃驚。默然低頭。往往至於不知所答。

一千六十八年。君士坦丁第十卒。其后歐多思亞攝政。憂土耳其人方強。思欲得智勇人自配。謂如日病熱尼。時日病熱尼在獄。后嘗告師父。誓不再嫁。因陽爲有意於師父從子者。師父喜。使后廢守寡之誓。后乃出。日病熱尼於獄。與之婚。立爲帝。頗稱賢明。伐土耳其。敗績。被獲。土人剗其目。釋歸。徵贖金。後尼塞福路據亞細亞以叛。帝乃避位於尼塞福路。一千八十一年。將軍亞歷修。工涅那廢尼塞福路自立。是時十字軍始起。土耳其兵力強盛。陷希臘東部。諸蠻人亦入意大利。取希臘屬地。將進侵君士坦丁希臘倉庫空乏。士兵不多。帝率兵至耶卑路。爲諾爾曼將羅伯介斯加所敗。及羅伯還意大利。國中始歸平。

靜帝欲逐土耳其人復東方諸郡會諾爾曼海軍來侵與戰於各府海上三次帝師又敗會羅伯死幸免攻伐之禍

帝德業
之四

帝德業
之四

十字軍攻
取君士坦
丁建國丁
多力

丁建國

丁建國

工混尼家末帝安多祿尼固弑君篡立爲人庸暗其將伊撒安尼路嘗因事諫之不信命繫獄國人怒齊起捕之在一羸駝背巡行街衢以徇立伊撒爲帝號伊撒第二亦暴戾執安多祿尼固挾其眼截斷右腕使國人恣凌虐之後窮極驕奢至宮中役使二千人日費銀四千斤民力不勝一千一百九十五年其弟亞歷修廢之自立稱亞歷修第三亦昏虐執伊撒挾其眼幽諸一室日給水與麪包伊撒第二子亞歷修走威尼斯欲假其力復仇會十字軍第四役起法蘭西侯伯等領兵來屯因盟曰藉神軍力以復父位請贈數十萬金使希臘教隸羅馬教法蘭西侯伯大悅以二萬人來攻君士坦丁亞歷修第三力不敵棄都逃亡伊撒第二復帝位使亞歷修同聽政既亞歷修代立號亞歷修第四與十字軍生隙不與所約之金西國民惡希臘教構隙日深一千二百四十年帝下令希臘教與羅馬教合都人謂帝奉邪教羣起攻帝帝走依其親族模索弗路模索弗路因帝篡立號亞歷修第五欲剪除先帝族人自入獄中舉鐵棍撲殺亞歷修十字軍以報先帝仇爲名攻君士坦丁陷之縱兵抄掠城中寶貨一空發蘭德侯巴多尹代希臘爲皇帝立國號曰臘

丁建國之初既明衰兆略類王國耶路撒冷國中侯伯各擁土地不從政令人民往往

奉希臘皇族割據諸國將俟時而起。密給爾工涅那建侯國於耶卑路亞。歷修工涅那建侯國於達拉伯孫帖痾多路。拉士加利建侯國於尼塞亞。

希臘人謂臘丁政府爲暴。招布爾加利人侵君士坦丁。一千二百五十五年臘丁帝巴多尹第一自將拒布爾加利於亞得里亞諾伯大敗。被虜而死。弟顯理嗣立。帝善視希臘人。許之民權。及自由奉其教。屢與布爾加利人戰破之。遂講和。一千二百十六年希臘教徒謀鴆帝。帝無子。臘丁人議推匈牙利王安得烈爲帝。安得烈嘗與教皇伊諾森第三約起十字軍。未果。伊諾森命先發兵赴巴勒斯坦。安得烈不暇自計。謹奉其命。當時教皇威權之盛可想也。於是臘丁騎士謀邀法蘭西王孫彼得立之。彼得巴多尹妹夫也。會耶卑路侯帖痾多路尼塞亞帝約翰率兵來寇。約翰爲拉士加利女壻。拉士加利卒。後繼尼塞亞帝位。帖痾多路嘗攻馬其頓。德沙利。德來斯諸地。疆域大於臘丁。彼得欲入君士坦丁。抵木拉索。帖痾多路兵捕殺之。一千二百二十二年帖痾多路自稱希臘皇帝。臘丁人立彼得子羅伯是爲巴多尹第二。帝欲納紐非爾侯女爲后。女嘗許嫁不爾良貴族。聞帝卽位。離婚適帝。不爾良人大怒。陰與君士坦丁騎士約乘夜襲帝宮。奪皇后及帝母。投帝母於河中。截后鼻唇。帝深憤恚。力微不能討。帝卒。巴多尹第三幼冲嗣立。國用窮乏。人心渙散。國勢不支。伯倫人約翰以老成攝政。能防強敵。國賴無事。約翰卒。一千二百六十一年尼塞亞帝密給爾巴略羅莪以大兵來攻。掘地道蹙之。君士坦丁遂陷。巴多尹第三出奔威尼

巴魯羅拔
皇帝

約翰第五

利

君士坦
丁第十
三年其
何城被
兵

斯臘丁建國。凡五十七年而亡。藩屬諸邦亦相繼而亡。

一千二百六十二年。巴略羅拔自立為全國皇帝。一千二百八十二年卒。子安得烈嗣立。自是東羅馬國風俗頹敗日甚。諸帝率以殺戮獲位。亦以殺戮固位。國勢衰弱。連為隣敵所蠶食。土耳其人最稱勁敵。一千三百四十一年。約翰第五立。水師甘大古西與土人立約相助。越六年。攻取都城。據之。稱約翰第六。三百六十九年。約翰第五出奔西羅馬。乞援於教皇。東羅馬國強日蹙。

約翰第六卒。子蠻奴利第二嗣立。與土耳其戰不克。請和。割都城數地。歲貢銀三萬圓。尋與之絕。乞援於意大利。英法諸國既而又降土耳其。一千四百二十二年。土耳其人甘蘭脫帥師二十萬。圍君士坦丁城。尋約息兵十年。

一千四百四十八年。君士坦丁第十三立。土耳其蘇爾旦馬何默德第二欲滅希臘。送戰書。統兵三十萬。兵船三百來圍君士坦丁。先是帝聽教皇言。以希臘教與臘丁教合。國人

不悅。帝閱城兵。其能堪拒戰者不過四千人。而海軍僅有熱那亞五百人。土軍傳知連發大砲。號曰馬何默德砲。彈石重六百斤。壞壁一角。埋壕踰壁而入。帝親督諸軍奮鬪。克之。迫擊破其船隊。沈鐵索於海底。凱旋。蘇爾旦大怒。誓師曰。子不得登君士坦丁帝位。當以城壁為墓田耳。患港口鐵索梗船。乘夜修道路。敷木板。板上塗獸脂。列小舟八十隻。以滑車行之。上希臘人見之大驚。是為一千四百五十三年五月二十九日事。馬何默德督

諸軍再逼之下。大砲轟擊。一齊傳城。帝親督忠義軍。拒戰數刻。眾寡不敵。遂死。亂兵中殉難者六萬。人士人貫帝首于槃舞之。巡行街市。國內諸城望風而降。東羅馬亡。實後花園天皇享德二年四月某日也。舉國奉土之命令。自君士坦丁大帝建都至此一千二百三十年。西羅馬以紀元四百七十六年亡。自建國歷一千二百三十年。建國之主曰羅慕路。亡滅之主亦曰羅慕路。東羅馬後西羅馬亡。約一千年。建國之主曰君士坦丁。亡滅之主亦曰君士坦丁。

自西羅馬亡。人民相率徙大鵬河上。古一村落。及東羅馬衰。其民生齒滋多。常爲土耳其人所凌虐。一千八百六十年。國人協力獨立。始爲公國。號羅馬尼。猶未免土耳其羈轡。僅存羅馬名號。建國時始昇公位者曰亞歷山德。約翰在位六年。政令不修。國內大亂。遂見廢國人迎立日耳曼一侯曰迦爾。

論曰。大抵東羅馬之域。土沃物阜。其民情於作業。熱信宗教。與羅馬教皇回教人相爲敵讐。歷代君主往往惑溺其說。好爲殘暴不仁。挾人目。拔人舌之行。仍冀身後之福。及土耳其入寇。一敗塗地。無之能救。不亦宜乎。雖然。入斯底尼安希臘格留帖病法略諸帝皆能振肅紀綱。皇張國威。是以屢與沙蘭生波斯諸國爭衡。不肯少屈。久而後失之也。其文物或不及沙蘭生人。然視之波斯土耳其。則又非同日之談也。

羅馬教宗國記

耶穌教始開。世人尊教師曰教皇。教皇結廬羅馬郭外。自耶穌高弟彼得始。不過爲貧寒一教師。自紀元一百年代。至二百年代。教統相傳三十世。其十九人皆見殺云。紀元三百四十三年。各國教士會議。定教會法制。凡教事皆受命教皇。六百七年。始定教皇威權。徧及耶穌教徒。自是伊諾森第一。勒阿第一。格勒革理第一。皆務張其威權。七百八年。瀧謁教皇足指。表信心之式。及七百三十一年。教皇格勒革理第三。卽位。抗希臘帝。遂定管理羅馬世務之權。實爲聖武。武天皇天平三年事。自是教皇勢威日盛。富有廣土。驕傲逞威。自稱聖彼得苗裔。代上帝統理人世者。惑世人誣神明。無所不至。曰上帝委余天堂地獄之管鑰。凡國君不過戴一冠。而教皇時戴三冠。其意謂己權在世界人主之上也。有人上謁者。非膝行拜跪。謹舐其足指。則不許接一語。教皇乘馬。則各國帝王爲之執鐙。唯謹。若教皇所欲爲。則雖奪其土地人民。各國無敢違者。教皇答勒綿德。嘗下令曰。上帝舉天。上帝下授之於子。有違子者。毋論何人。皆焚殺之。

一千五十四年。教皇勒阿第九。始置護兵。威權益盛。至格勒革理第七。尤烜赫。始定教長爲神君。是時日耳曼帝顯理第四。與教皇爭權不屈。教皇絕顯理於教門。顯理窘窮。抵羅馬謝罪。嚴冬跣足立宮門外。風雪中三日。教皇見帝拜跪。直蹴其冠。示廢立由己之意。後意大利人惡教皇驕傲。助顯理攻羅馬。教皇大敗。幽囚以死。事詳於日耳曼記。一千一百年間。新爲制教皇號。唯羅馬基督教主得稱之。各國君民不敢抗敵。當時大陸